



Саноат статистикаси бўлимининг НИЗОМИ

1-боб. Умумий қоидалар

1. Мазкур Низом Сирдарё вилояти статистика бошқармаси Саноат статистикаси бўлими (кейинги ўринларда – бўлим деб юритилади) мақоми, асосий вазифалари ва функциялари, ҳуқуқ ва мажбуриятлари, шунингдек, унинг фаолиятини ташкил этиш тартибини белгилайди.
2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Сирдарё вилояти статистика бошқармасининг (кейинги ўринларда бошқарма деб аталади) бўлими ҳисобланади.
3. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларга, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига, “Сирдарё вилояти статистика бошқармаси тўғрисида”ги Низомга, мазкур Низомга, шунингдек бошқа қонун ҳужжатларига амал қилади.
4. Бўлим саноат статистикаси бўйича фаолиятини бошқарманинг тармоқ ва ҳудудий статистика бўлимлари билан ўзаро ҳамкорликда амалга оширади.
5. Бўлим ўз фаолиятини бошқарма бошлиғи раҳбарлигида амалга оширади.
Бўлим ўз ваколатига кирувчи масалалар бўйича бошқарма бошлиғининг биринчи ўринбосарига бўйсунди.
6. Қуйидагилар бўлимнинг асосий вазифалари ҳисобланади:

2-боб. Бўлимнинг вазифалари ва функциялари

а) саноат статистикаси бўйича ягона сиёсатни ишлаб чиқиш ва бажариш, статистикани таъкил қилишнинг самарали тизимини таъминлаш ва давлат статистикаси соҳасида мувофиқлаштириш ва функционал тартибга солиш соҳасида:

Давлат статистика ишлари дастури, Давлат статистика ишларини ишлаб чиқариш дастури, бошқарманинг иш режаларини ўз вақтида шакллантирилишида иштирок этиш;

статистик маълумотлар фойдаланувчилари талабини ўрганган ҳолда узок муддатли мақсадлар ва йўналишлар бўйича статистик кўрсаткичларни жорий этиб бориш;

Давлат статистика ишлари дастурининг саноат статистикасига оид қисми бўйича таклифлар ишлаб чиқиш ва тақдим этиш;

саноат статистикаси соҳасида давлат статистика принциплари ва халқаро стандартларга жавоб берадиган ягона статистика услубийётига риоя этилишини таъминлаш;

ишлаб чиқиладиган меъёрий-ҳуқуқий хужжатлар лойиҳаларига бўлим ваколати доирасидаги таклифлар ишлаб чиқишда иштирок этиш.

б) халқаро стандартларга жавоб берадиган ягона статистик услубийётни ва давлат статистика кузатуве шаклларини ишлаб чиқиш, тасдиқлаш ва жорий этиш соҳасида:

саноат статистикаси маълумотларини йиғиш ва қайта ишлашнинг замонавий методологияси ва методикаларини кенг жорий этиш йўли билан статистик кузатувлар тизимини қабул қилинган халқаро амалиётга янада мослаштиришни амалга ошириш;

саноат статистикаси бўйича давлат статистика кузатувлари шаклларини ишлаб чиқиш юзасидан таклифлар киритиш ва амалиётга жорий этиш, статистик кузатувлар ўтказиш усулларини аниқлаш;

давлат статистика соҳасига оид меъёрий-ҳуқуқий хужжатларни ишлаб чиқишда бўлим ваколати доирасида иштирок этиш;

саноат статистикаси соҳасида ҳолис, сифатли ва долзарб ҳисобот маълумотларини тайёрлашни мувофиқлаштириш ва идоравий кузатувлар шаклларини келишишда иштирок этиш;

фойдаланувчиларнинг статистик маълумотларга бўлган талабига мувофиқ, саноат статистикаси соҳаси бўйича ривожланаётган хорижий тажрибани ўрганиш, умумлаштириш ва тарқатиш;

саноат статистикаси бўйича давлат статистика ҳисоботлари тизимини такомиллаштириш бўйича таклифлар тайёрлаш ва ҳисоботларни тузиш тартиби бўйича йўриқнома ва кўлланмалар ишлаб чиқишда иштирок этиш.

в) саноат статистикасига оид ҳодисалар, жараёнлар ва уларнинг натижалари тўғрисидаги статистик ахборотларни йиғиш, қайта ишлаш, тўллаш, сақлаш, умумлаштириш, таҳлил қилиш ва эълон қилиш соҳасида:

Давлат статистика ишлари дастурининг саноат статистикасига оид қисмини бажарилишини таъминлаш;

саноат статистикасига оид давлат статистика ҳисоботларини электрон кўринишда, зарур ҳолларда қоғоз кўринишида йиғишни, сўровларни ва бошқа кузатувларни ўтказилишини ташкил этиш;

саноат статистикасига оид кўрсаткичларининг статистик ҳисобини юритиш, вилоят, шаҳар(туман)лар бўйича муҳим жараёнларининг бирламчи статистик таҳлилини амалга ошириш;

статистик ҳисобот кўрсаткичларини тезкорлиги, ишончлилиги ва ҳолислигини ҳамда статистик маълумотларнинг шаффофлиги ва очиқлигини кенгайтириш бўйича чора-тадбирларни амалга ошириш;

хўжалик юритувчи субъектларга саноат статистикасига оид давлат статистика ҳисоботи кўрсаткичларини ишончли тақдим этишда ҳар томонлама кўмаклашиш;

Бўлим ваколатига кирадиган масалалар бўйича тизимлаштирилган электрон маълумотлар базасининг яратилиши ва юритилишини, унинг мунтазам равишда тўлдирилиб ва янгиланиб борилиши юзасидан таклифлар берилишини таъминлаш;

саноат статистикаси соҳасига оид статистик маълумотларнинг махфийлигини таъминлаш;

конунчиликка мувофиқ, бўлим иш фаолиятида шакланган архив ҳужжагларини жамлаш, сақлаш, ҳисобга олиш ва улардан фойдаланиш ишларини амалга ошириш.

г) давлат органлари, юридик шахслар, халқаро ташкилотлар ва аҳолини белгиланган тартибда саноат статистикасига оид ахборотлар билан таъминлаш соҳасида:

саноат соҳасини тавсифловчи тезкор ва сифатли статистик маълумотларни тайёрлашни амалга ошириш;

Ўзбекистон Республикаси Президенти ва Вазирлар Маҳкамаси қарорлари, Давлат статистика кўмитаси қарор ва буйруқлари, вилоят ҳокимлиги қарор ҳамда фармойишлари ижроси юзасидан бўлим ваколати доирасида йиллик, чораклик ва ойлик статистик ҳамда таҳлилий материалларни тайёрлашда ишгирок этиш;

саноат статистикасига оид статистик кузатувлар ва расмий статистик маълумотларни тарқатиш бўйича ташкил этиладиган ахборот-тушунтириш ишларида иштирок этиш.

7. Бўлим ўзига юкланган вазифаларни бажариш учун қуйидаги функцияларни амалга оширади:

саноат статистикаси соҳаси услубияти, статистика ишларини ташкил этиш ва уларни бажариш масалалари бўйича ҳудудий статистика бўлимларига ёрдам кўрсатади;

жисмоний ва юридик шахсларнинг ёзма ва оғзаки мурожаатларини ўз вақтида ва тўлиқ кўриб чиқилишини, қонун ҳужжатларида белгиланган тартибда ва муддагларда мурожаат эгаларига жавоблар тайёрлайди;

Бошқарма раҳбариятининг топшириқлари ва фойдаланувчиларнинг сўровларига асосан саноат статистикаси бўйича маълумотлар тайёрлайди;

Бўлимнинг услубий, иқтисодий, ташкилий ва статистик ишлари режаларини шакллантиради ва уларнинг ижросини таъминлайди;

Бошқарма раҳбарияти кўриб чиқиши учун таҳлилий ва бошқа материалларни тайёрлайди;

Бошқарманинг тармоқ ва ҳудудий статистика бўлимлари билан биргалликда саноат статистикаси соҳасида ахборотларни шакллантириш бўйича ишларни ташкил этади ва мувофиқлаштиради;

Давлат статистика ишлари дастурининг саноат статистикаси қисми бўйича вазифалар ижросини таъминлайди;

ҳудудий статистика идоралари томонидан, саноат статистикаси соҳасига оид давлат статистика кузатувларини ягона статистика услубийёти асосида ташкил этиш ишларини мувофиқлаштиради;

саноат статистикасига оид давлат статистика ҳисоботларини электрон шаклда тақдим этиш ва электрон ҳужжат айланиши тизимини жорий қилиш ишларини ташкил этади, бу йўналишда ҳудудий статистика бўлимлари фаолиятини мувофиқлаштиради;

замонавий ахборот технологияларидан фойдаланган ҳолда, саноат статистикаси асосий кўрсаткичларининг такомиллаштирилган маълумотлар базасини юритади;

Бўлим ўзига юклатилган бошқа функцияларни белгиланган тартибда амалга оширади.

3-боб. Бўлимнинг ҳуқуқлари ва жавобгарлиги

8. Бўлим ўзига юкланган вазифалар ва функцияларни бажариш учун қуйидаги ҳуқуқларга эга:

саноат статистикаси соҳасида ишларини ташкил этиш ва такомиллаштириш бўйича бошқарма ва Давлат статистика қўмитаси раҳбариятига таклифлар киритиш;

давлат статистика кузатуви шаклларини ўзгартириш ва уларни тақдим этиш тартиби, давлат статистика кузатувларини ўтказиш усуллари, давлат ва хўжалик бошқаруви органларининг идоравий статистик кузатув шакллари бўйича таклифлар бериш;

худудий статистика бўлимлари томонидан саноат статистикаси соҳасида ягона сиёсатни амалга ошириш ишларини мувофиқлаштириш;

давлат ва хўжалик бошқаруви органларидан, фуқароларнинг ўзини ўзи бошқариш органларидан ва бошқа юридик шахслардан (зарур ҳолларда уларнинг ваколатхоналари ва филиалларидан) давлат статистика ҳисоботларини белгиланган тартибда олиш ҳамда улардан статистика мақсадларида фойдаланиш;

давлат ва хўжалик бошқаруви органларидан саноат статистикасига оид ишларни олиб бориш учун зарур бўлган маълумотларни (уларни ишлаб чиқишнинг исталган босқичида), шунингдек уларга илова қилинадиган тушунтиришларни сўраш ва олиш;

саноат статистикаси соҳасига оид давлат статистикаси кузатувларининг методологияси ва ташкил этилиши, шунингдек расмий статистик ахборотлар билан боғлиқ масалалар бўйича ахборот-тушунтириш ишларини олиб бориш;

саноат статистикасига оид маълумотларнинг тўлиқлиги, ишончлилиги ва ҳолисоналигини экспертизадан ўтказиш;

саноат статистикаси соҳасидаги давлат статистика маълумотларида бузилишлар аниқланган тақдирда, уларни бартараф этиш бўйича кўрсатмалар бериш ва йиғма давлат статистика маълумотларига тегишли тузатишлар киритиш;

саноат статистикасига оид масалалар юзасидан халқаро статистика ташкилотлари билан ҳамкорлик қилиш, семинар ва йиғилишларда, шунингдек халқаро семинар ва йиғилишларда иштирок этиш;

Давлат статистика ишлари дастури, Давлат статистика ишларини ишлаб чиқариш дастури, бошқарманиннг иш режасининг тузилиши ва мазмуни бўйича Давлат статистика қўмитаси раҳбариятига таклифлар киритиш;

Бўлим ваколатига кирадиган масалалар бўйича бошқарманинг тармоқ ва худудий статистика бўлимлари билан ҳамкорлик қилиш.

9. Бўлим қўйидагилар учун жавобгар:

Ўзига юкланган вазифаларни самарали ва лозим даражада бажариш;
ваколатига кирувчи тахлилий ва бошқа материалларни юқори даражада тайёрлаш;

Давлат статистикаси принципларига амал қилиш, илғор халқаро амалиётга мувофиқ фойдаланилаётган усуллар ва методикаларни доимий равишда такомиллаштириш;

Бошқарма ходимлари томонидан белгиланган норматив-ҳуқуқий ҳужжатларга мувофиқ ижро интизомини таъминлаш.

4-боб. Бўлимнинг тузилмаси

10. Бўлимнинг тузилмаси ичига :

Бўлим бошлиғи, бўлим бошлиғи ўринбосари, бош ва етакчи мутахассислар ҳамда 1-тоифали мутахассислар киреди.

11. Бўлим бошлиғи, бўлим бошлиғи ўринбосари ва мутахассислари бошқарма бошлиғи томонидан лавозимга тайинланади ва лавозимдан озод қилинади.

Сўлим